

家 规

家之有规犹国之有例也但律例繁士广人家秀者少而朴者罪谁能遍观而熟玩是以出人起居难免不意於义理今合族长者选其切实简明者十八条著为家规虽不必袭夫律之文而亦不失夫律之意即圣贤大经大法义理悉具於斯凡我合族等尚其谨记而遵行焉则清白之遗风於今不坠矣

一祖宗世远年湮其音容不可得见惟可见者祠墓耳墓者祖宗之形所由藏祠者祖宗之神所由安顾可忽乎哉凡我合族於祖宗坟墓则每岁清明务宜挂扫剪其荆棘修其兆域毋得奉行故事至宗祠俟建则於祖宗亦宜随时整饰检盖毋使木壤尘蒙庶祖宗形神雨获其安此报本追远之第一义也

一父母之恩昊天罔极三年怀抱饥啼则乳疾痛则忧辛辛苦苦养大成人可不思报其万

一乎凡我子孙其亲存者甘旨随时敬养其亲没者丧祭称家有无天伦甚重事惟求

无愧斯可矣否则无视之人犬马不如家法具在定行重究不贷

一兄弟者人生之手足也当其幼时寝同休食共案衣传服嬉戏会何彼此之分及长而各有室家即以赀财之故致伤手足之情皆未当曲体父母心也苟曲体之岂忍以责财小故遗父母九原之痛者凡我合族如有听牝鸡之鸣浪从家犬之吠而自伤手足之情者不惟忍甚抑且愚甚家法重究即次不孝之条

一邻里乡党之属非我亲戚即我朋友其有年高望重者又我父兄之亲戚朋友也凡我合族往来交际宜父事者父事之宜兄事者兄事之宜肩随者肩随之务使尊卑有序不得傲慢无礼有累吾家清白之传

一酒所以合欢娱宾速具敬老尊贤日用常行皆不能免若溺於酒则贤者必至丧德失仪不肖者必至生非播祸凡我合族除合欢成礼外如有痛饮无节酗酒滋事者亦家法所必严惩也

一讼不得已事理直情真亦当让人几步如健讼不休仁人君子犹或恶之况无情无

理专事罗织以为有能不尤可恶乎凡我合族无论大小不平事件皆当经族理论如不服屈方可鸣官不然罚钱一串归公视曲直而相攻击毋长浇风

一赌博最害人甚於酒色小则废时失事大则荡产倾家而且为非作歹玷辱家门皆由於此凡我合族如有不务士农工商常业专事赌博者族长查出必加严惩次责其父兄教导不先之罪

一匹配之际乃民生之始为王化之原不可不谨凡我合族如義婚姻必择其门第和当又须察妇与婿之性行果淑否然后通以媒妁成其婚媾庶号佳偶而非怨偶矣若其不谨必致良贱失均倡随失德伤风败俗皆於先人有玷也戒之戒之

一子弟出入行坐必后长者乃分所应然凡大小事务宜惟长者之命是听倘有轻言犯上论以服次责罚不贷至於尊长亦宜自重不得稍加私意以尊压卑以长凌幼彼此各尽其道则宗族长间和睦成风矣

一读书乃成身之本而显扬其祖宗之要务也为父兄者必岁择贤师教育子弟务期

典籍精通诗文晓畅更能敦励行谊斯真读书矣其供俸仪文俱不可苟若以束修轻薄为便浪延村学究意徒识字迹致滋鄙陋反堕銜声为父兄者尚其谨戒

一衣食者礼义所由与而农桑者又衣食所由赖富先於教圣贤之明训久昭至论矣何得鄙其源俭以节其流广仰足以事俯足以蓄而冠错丧祭皆有借而无患也

一粮饷者小民之正供所以报效 朝廷者也虽尧舜之圣势不能免昌黎云民不出粟米麻系以奉其上则诛其言岂欺我哉若能依限早完则上不累官长之考成下可免公差之滋扰即小民一岁之中公事即 亦有余力以治私事播谷何等从容是一举而三善矣嗣后吾族中富者不得恣情拖欠贫者不得藉口艰难如有此辈不待官法之加先以家法治之以彰吾族急公之谊

一古语云终身让畔不失一段近世有在宗族之间寸尺不肯相让者已共鄙之矣况倚富欺贫恃强凌弱设机关以相侵夺者天理人心果安在哉吾族倘有此等讐告公庭家长共证其罪以遏刁风

一擅食田园瓜果律有明条古人云瓜田不纳履李下不整冠嫌疑尚且当避况公然击取乎每见有犯此者辄收为小儿寻常事而不知实为他日为盗之皆天地间物各有主人取我物心必不平我取人物人能平否嗣后吾族倘有犯此者先责父兄以不钳制之罪次戒子弟以谨为非之渐

一凡人之治家者必要克勤点份早起夜眠不可准妇言是用不可溺爱子弟之贤否家堂香火必要朝夕敬奉朔望时节以及先人生日忌长俱宜祭祀勿怠请客不必奢华待人须要恭敬厨房务宜洁净不可东敲西撞男咒女啼灶上更当严肃不许烘衣炕鞋鸡污犬秽切莫有意用低银切莫刻薄小生意人此皆齐家之要道也凛之凛之一世居祖宗坟墓所在不许出售异姓即异姓不可同居之意盖祖居乃祖宗精立所培植先人神灵所凭式子孙根本所由出当世守之垂之就远毋容他计即或有迁徙附之本宗可也

一填山世居之旁不许鉴渠塘水圳及作窑起榨空孔挖煤恐其惊犯山灵土神使人

不安也即有修造亦宜斟酌审慎不可因其便利致伤本根

一公山祖墳不准侵葬各房私山不许强葬男女有别不许鸡葬其余至亲附兆必量地脉大小原之情分昭穆位次相安不得逼近切勿惑於术人致宗族不睦先灵不妥按家规十八条言虽浅近皆切於日用伦常者也苟能遵行勿怠即圣贤功夫无以加此爰作诗以敬之诗曰

治家虽属平常事 大有功夫学问存

标准若非端以立 诸般号令有谁循

族长传甫订立

家訓

孝父母

孝为顺德为人子者须念亲恩罔极难报万一小孝用力中孝用劳总不可有一毫忤逆之意礼曰父母之所爱亦爱之父母之所敬亦敬之至於犬马尽然而況於人乎

友兄弟

难得者兄弟易得者田地须念天顯毋伤手足世人往往等若行路始于争财继而参商甚至偏听妇言同室操戈殊堪痛恨古诗云兄弟同居忍便安莫因毫末起争端眼前生子又兄弟留与子孙作样看斯言宜三复之

肅祠欸

宗廟为礼法所在尊卑长幼秩然有序冬至祭祀一年一举凡属斯人先期入祠事祭时各展孝思不与祭者端立两旁不得接耳交谈东奔西走至议祠事房族户长依次列坐公是公非余人旁站静听不得喧哗干咎

睦宗黨

乡党父兄宗族所在谦卑逊顺不以贤知先人勿倚强欺弱勿恃尊凌卑缓急相济有无相通鰥寡孤独尤宜垂怜倘有口角毋须拈纸动笔撤行具控必经鸣房族户长平情理论是非直判公同处罚

重教读

大汉光复文教昌隆为父兄者有子弟当入学时即当送入小学勿从私塾勿吝貲财总以取法大家庶可成就人才光大门闾备国家之选用

贵勤俭

人非勤俭难以兴家苟頽惰自甘奢华无度富者必不能久富贫者必至於终贫惟

男耕女织食时用礼勤以开财之源俭以节财之流衣食足而礼仪生愿与族人共勉之

戒赌博

世间惟赌博一途最坏心术最败品行一入其中诡计百出虽至亲不让半点笑言亦伏戈矛朝斯夕斯荒工废业赢钱不穀花费输钱什物典尽甚至倾家荡产流为匪类放僻邪侈无所不为要在为父兄者谨之於始牌骰之具平素不许藏家喜庆不用娱客以杜其源也古诗云凡人百艺可营身赌博场中莫去行能使英雄为下贱顿叫富室作贫民

远淫行

淫为万恶之首污人闺阃坏人名节使夫含羞使子蒙垢神人震怒莫此为甚将来报应不爽淫人妻女妻女亦被人淫尤可寒心一门之中男不入内女不出外家规严肃邪念自泯若男女同席叔婶通间内外无别聚处谈笑因而寡廉鲜耻瀆乱伦常如

此则与禽兽奚择哉宜削除谱籍不许入祠与祭

戒争讼

朱柏廬先生格言云居家戒争讼讼则终凶蓋鼠牙雀角始负屈於本县继求伸於上司连年累月心力交瘁讼虽胜而囊橐虚此目前之兇也我为讼者因一时之冒昧未必不自愧悔而我必挫辱之倾陷之欲置之死地而后已势必报复相寻为子孙结不解之冤胎无穷之祸此日后之兇也若理屈之人名辱财耗又为法不容遁其兇尤不可胜言凡遇一切争端须平心细想听人劝释万不得已墾伸公庭当知以讼受福之意不可遂以健讼为能

务正业

士农工商各执一业道路各别养家一般若身充皂隸子孙虽有志上进格於例而不能吾族本清白传家须世守正业毋上玷祖宗下累后嗣语云可为乞丐无为隸若无耕种便傭工犹不失为正大门户